

漢川縣志卷十三

兵防志序

兵防者樞政之所先一日無備則緩急奚恃况漢川地近會郡乘輶浮船爲水陸之衝歟明代武備多弛以邑之湖泊遼曠萑葦蒙密置守禦於不事我

朝開國以來居安思危調撥兵勇布置防汛因時之制用昭其大畧已著於塘汛圖說爰詳額設表支應載驛遞考歷代之軍事附弁勇之姓名俾守上者省覽焉志兵防

兵防

漢川縣志

卷十三

兵防

一

宋元俱無考

明時無兵守禦

國朝

漢川縣額設分防外委把總一員係漢陽城守調撥兵丁原無額數共塘汛十處

縣城外水塘汛兵四名襄河石滾灘水塘汛兵四名又襄河至繫馬口水塘汛兵四名廟頭水塘汛兵四名蚌湖口水塘汛兵四名澄波亭水塘汛兵四名湏口至府河柘樹口水塘汛兵四名劉家壩水塘汛兵十名葱擔溝水塘汛兵四名邵家觜水塘汛兵五名

額設虎戰船二隻 通志

把總署在城內

教場舊在城東南久廢萬曆十三年官價發賣易業崇禎七年知縣孫光祚復立新操場於伏龍山地係蔣誼祖捐議叙道會司今在縣治南門外新立較軍場

按把總姓名兵燹後檔冊多無考謹據嘉慶以來可記憶者得二十一人曰王國典曰金大魁曰陳有萬曰李光昇曰陳開第曰覃邦彥曰邵飛雄曰魏鴻興曰魏金榜曰向永清曰章殿元曰蘇祖芳曰鄭紹岐曰袁金彪曰熊國賓曰吳雲達曰余長慶曰余士祥曰陳永福曰張名發曰李洪恩

驛遞

額設排擯夫一百名雍正六年奉裁二十名乾隆三十

漢川縣志

卷十三

驛遞

二

三年春裁五名實存七十五名乾隆四十五年各州縣通行增額漢川議增三十名今實設排擯夫一百五名額設馬八十四匹雍正六年裁馬二十四匹馬夫十名實設馬六十四匹馬夫三十名獸醫一名乾隆四十年通行增設途站漢川縣議增田二河正站原在里潭乾隆未改移此處撥武黃安三府屬之武昌黃岡蘄水天門潛江等縣馬二十五匹馬夫十一名又撥本縣馬十四匹馬夫五名共馬三十五匹馬夫十六名分縣城田二河兩驛共設馬八十五匹縣站五十四匹田二河站三十五匹馬夫四十一名縣站二十五名田二河站十六名

漢川縣志

卷十三

表

三

額設夫馬

工食支用銀

兩表

驛站人夫

工食

驛站馬匹

馬夫

每一百五名  
銀二分三絲  
毫三三  
忽三  
加三  
閏三  
建扣除  
小遇

銀七十兩六  
錢八兩六

在城站二十五  
十匹  
河站三匹  
五匹  
日給銀五  
分給銀  
二藥餌  
七七  
七七  
扣加七  
除增微  
小遇  
建閏

在城驛站二  
五名  
河驛站十  
二名  
六名  
二名  
二名  
河內  
分日  
二名  
一名  
又一名  
每給  
銀九  
絲毫  
忽

獸醫

工料醫藥

支應銀兩

在城驛  
名日給  
二分銀一

縣站三千  
一兩三錢  
七兩二錢  
田河站  
七兩二錢  
三兩八錢  
六分二釐

田河驛站  
二兩  
十二兩  
錢八分  
一錢六分  
五釐

額設九舖舖司六名舖兵二十七名共三十三名每名  
工食五兩八錢三釐至六兩一錢不等同治四年則例  
每名歲支銀六兩一錢每年共額支工食銀一百九十  
八兩二錢五分

舖夫額設

縣城舖舖司一名舖兵五名養魚舖舖司一名舖兵四  
名甌山舖舖司一名舖兵四名

以上東通漢陽路

長興舖舖司一名舖兵四名劉家壩舖司一名舖兵三  
名官莊舖舖司一名舖兵四名

漢川縣志

卷十三

舖夫

四

以上西北通應城路

廟頭舖兵一名三汊潭舖兵一名楊林舖舖兵一名  
以上西通沔陽路

咸豐八年十一月巡撫胡文忠林翼疏畧曰竊准部咨  
議覆山西省各廳州縣向於公文驛遞外另設舖司兵  
遞送文件多係奸胥冒領並未專設舖兵擬將通省舖  
兵全行裁汰改爲馬遞有驛各廳州縣畱工食十分之  
一津貼捐馬工食之用無驛各廳州縣畱工食十分之  
四以資差役飯食之需今卽查照原奏各就地方情形  
詳細體察辦理以節糜費而昭覈實等因當經行司查

明議詳去後茲據藩司馬秀儒臬司羅遵殿會查得州縣安設舖司原爲遞送尋常公文起見近年楚省多未專設舖兵工食不無冒領自應循照晉省奏案一律裁汰以節糜費而昭覈實請奏咨奉到部文之日爲始將湖北省有驛之漢陽漢川等三十二州縣原設舖司改爲馬遞查照年額工食酌留十分之二津貼捐馬工料之用無驛之嘉魚等三十六州縣原設舖司改派差遞查照年額工食酌留十分之四以資差役飯食之需嗣後各該州縣遞送公文責令隨到隨遞倘有遲延分別查叅究治庶於公事無誤而經費亦歸實濟等情具詳

前來臣等覆查無異謹覆奏

咸豐九年奉文飭將原設舖司一并裁汰一切文報捐馬承遞仍在裁汰舖司額支工食銀兩內提留十分之二以爲津貼捐馬工料之用計提銀三十九兩六錢五

分

縣檔冊

同治八年冬季奉文復設橫路舖司案內復設在城舖兵二名廟頭舖兵二名三汊潭舖兵二名楊林溝舖兵二名共復設舖兵八名額支工食銀兩再提留二成合計四成每名日支銀二分七釐五毫三絲每日共支銀二錢二分二毫六絲共計每年提銀七十九兩二錢九

分六釐 縣檔冊

軍事

周

敬王十四年吳子伐楚囊瓦濟漢而陳自小別至於大

別 左傳

楚子封鬬辛為鄖公吳入郢楚子奔鄖與鄖公辛奔隨

吳人從之謂隨人曰周之子孫在漢川者楚實盡之君

若惠顧周室施及寡人君之惠也 左傳

通志曰鄖即今之德安府地其四境今竟陵漢陽漢

川皆其地

漢川縣志

卷十三

軍事

六

三國

魏軍既敗於赤壁操濟漢文聘乃詣操操曰來何遲耶

聘曰先日不能輔荊州以奉國家劉荊州雖沒常願據

漢川保全境土今至於此何顏早見遂歔歔流涕操為

愴然厚禮待之使統本兵為江夏太守 時漢川屬江夏郡隸荊州

晉

建興二年杜弼將王貞襲陶侃於林障侃奔灑中周訪

救侃擊弼兵破之三年杜弼敗死湘州平王敦嬖人吳

興錢鳳疾陶侃之功屢毀之侃將還江陵欲詣敦自陳

朱伺及安定皇甫方回諫曰公入必不出侃不從既至

敦畱侃不遣左轉廣州刺史以其從弟廙爲荊州將吏  
荊州將吏鄭攀馬雋等詣敦上書畱侃敦怒不許攀等  
以侃始滅大賊而更被黜眾情憤惋又以廙忌戾難事  
遂率其徒三千人屯潰口

晉書

王敦欲用從弟廙代陶侃爲荊州侃故將拒廙旣而廙  
將西出遣長史劉俊畱鎮楊口壘杜曾等守果馳還廙  
乃遣朱伺歸裁至壘卽爲曾等所圍及賊攻陷北門伺  
被傷乃還甌山時王廙與李桓杜曾相持屢戰甌山下  
軍士數驚喚云賊欲至伺驚創而卒因葬甌山

晉書朱伺傳

南北朝

漢川縣志

卷十三

軍事

七

梁永聖元年魏師陷江陵郢州刺史陸法和降於北齊  
與齊清河王岳會漢口王僧辯遣江州刺史侯瑱攻郢  
州任約徐世譜宜豐侯循皆引兵會之

時漢川

隸江州

梁大建二年秋八月侯景反荊州湘東王繹入援遣景  
陵太守王僧辯將舟師萬人出自漢川載糧東下

通鑑

按漢水故道逕竟陵入江所謂漢川者當不僅今漢  
川地也

陳光大元年九月周人梁人會華皎侵陳敗績陳遂襲  
周沔州執其刺史裴寬

通鑑綱目

初陳氏與周通和每修聘

好自華皎附後乃圖寇掠於是裴寬爲沔州刺史而

州城卑狹器械又少寬知其難守深以爲憂又恐秋水暴長陳人得乘其便卽白襄州總管請益戍兵且請移城於羊蹄山以避水總管兵未至陳將程靈洗舟師掩至城下會大雨水暴漲洗引大艦臨城發拍擊樓堞皆碎矢石晝夜攻之三十餘日陳人登城寬猶率眾執短兵拒戰又二日乃擒之

周書裴寬傳

大建二年周相州總管尉遲廻起兵討丞相楊堅鄖州總管司馬消難舉兵應之己西周以柱國王誼爲行軍元帥以討消難七月司馬消難以鄖隨溫應土順沔儂岳九州及魯山甌山等八鎮內附遣其子爲質以求援

漢川縣志

卷十三

軍事

八

八月乙未詔以消難爲大都督總督九州八鎮諸軍事司空賜爵隨公尉遲敗死周王誼帥回總管至鄖州司馬消難擁其眾以魯山甌山二鎮奔陳

周書靜帝紀

司馬消難之以鄖州入陳也陳遣將樊毅馬俊等來援周豪州總管元景山率輕騎五百馳赴之毅等懼掠居民而去景山追之一日一夜行三百餘里與毅戰於漳口二河皆克毅退保甌山鎮其城邑爲消難所蹈者悉平之

隋書

按二河卽今田二河

隋高祖受禪大舉代陳以景山爲行軍元帥韓延呂哲

出漢口遣鄧孝儒將勁卒四千攻甌山鎮陳遣其將陸  
綸以舟師來援孝儒逆擊破之陳將魯達以兵守湏口  
景山復遣兵擊之陳人大駭甌山沌陽二將守鎮皆棄  
城而遁

隋書元  
景山傳

唐

高祖武德四年前真定令周法明隋末結客襲據黃梅  
遣族子弟節攻蘄春兄子紹則攻安陸子紹德攻沔陽  
皆拔之庚午四郡來降

時漢川尚  
屬沔州

德宗建中四年李希烈反江西節度使曹王皋討之敗  
其兵黃梅取漢陽汊川

唐書

漢川縣志

卷十三

軍事

九

上元三年曹王皋選艦步二萬人以與賊還剗蘄之黃  
梅大鞣長平鏖廣濟掀蘄春撇蘄水掇黃岡筴漢陽行  
毗汊川還

韓愈曹  
成王碑

僖宗乾符四年濮州盜王仙芝陷鄂州掠江漢  
後五代

梁貞明五年楚人攻荆南高季昌求救於吳吳命鎮南  
節度使劉使等帥洪吉撫信步兵自瀏陽趨潭州武昌  
節度使李簡等帥水軍由汊川攻復州

五代  
史

周顯德五年代南唐命王達會師攻鄂州唐請和劃江  
爲界以漢陽汊川二縣在大江之北故先進納世宗因

以汧川隸安州五代史

宋

欽宗靖建二年金人入寇奸民祝進等爲盜犯復州攝德安守陳規戰破之是時漢川屬復州

高宗建炎四年五月授陳規德安復州漢陽軍是時德安治臨

漳山

甯宗開禧元年乙丑韓侂胄渝盟起釁金以都統完顏按帶陷隨州進圍德安縣安陸應城雲夢孝感漢川諸縣吳玘招神馬疲潰卒救之安陸縣志

開禧二年丙寅金人又入寇進圍德安破景陵逼漢陽

漢川縣志

卷十三

軍事

十

民皆逃於江南武昌以漢陽烽火爲安危曹彥約攝軍事訪土豪許尚等使據守南河金人乃退曹彥約傳

元

至元十三年二月月食太白晝見是時陳友諒亂漢沔元史

十五年春徐壽輝遣其將倪文俊復破沔陽威順王寬澈普化命其子報恩奴接待奴佛家奴以大船四十餘隻水陸並進討文俊且載妃妾以行兵至漢川縣雞鳴汧水淺船擱不能行文俊以大筏燒船接待奴佛家奴皆遇害而報恩奴自死妃妾皆陷元史

明

太祖吳元年陳友諒敗死鄱陽乃進圍其子理於武昌  
二月太祖身至漢陽城使徐達將兵三千屯沌口以遏  
沔陽一帶舟師理降漢沔一帶以甯

明史

正德二年漢川盜邱仁周鑾景陵盜楊清起周陂乾灘  
鄉村知府蔡欽以城垣單薄築其門以守四年布政使

陳鎬副使蔣昇率漢士兵擒之

天下郡國  
利病書

嘉靖間漢川風門河一帶上下數十百里羣盜出沒截

掠商船

讀史方  
輿紀要

嘉靖四十五年漢川盜崔三唐四等哨聚入縣知縣昌

應會率兵力拒盜割其耳以去

天下郡國  
利病書

## 漢川縣志

### 卷十三

軍事

十一

隆慶元年羣盜白晝入劉家壩市鎮殺捕盜人役解其  
支體地方團保不敢窺其猖獗如此

天下郡國  
利病書

崇禎九年丙子流賊張獻忠掠黃州破應山孝感冬月  
初十日哨至劉家壩渡口殺溺者十七人小民舟居避  
亂至十二月初四日全師壓境殺戮男女一千七百餘  
人殺絕七百餘戶賊退清查僅存二千七百餘家

林志  
稿

獻賊屯聚劉家壩欲南向薄城邑令孫光祚聚民兵據  
水斂舟拒之於楊子港賊不能犯而去作歌曰金應山  
銀孝感獨有無城縣隔水不能見光祚遂築城爲五門  
以守時大饑垆塚妖僧倡亂甚熾光祚以漸撲滅之賊

卒未嘗犯境云

林志稿

十五年壬午冬總兵左良玉爲流賊李自成所敗潰而南下遂棄舟東駐九江自成遣將白旺等追之旺方破景陵漢川竟陷漢陽武昌守將列兵金沙洲上旺不敢渡江乃耀兵於大別山而還

林志稿

十六年癸未獻賊自蘄黃到劉家壩營連四縣駐扎半月壩中房屋盡焚人民逃竄五月十五日賊破漢川城知縣傅德監不屈死左兵聞之擄兩岸船幾盡十八日全師東下檣帆蔽江酸泣之聲十里相接焉越數日賊忽遁去

林志稿

漢川縣志

卷十三

軍事

十二

流賊犯縣境梅城鄉傳運與賊鏖戰數日擒其渠魁追其餘黨溺於白港

傅氏家乘

國朝

順治二年乙酉春

王師南伐李自成潰走良玉與南都構禍乃稱兵東下大駐武昌良玉部將惠登朝張星璧等駐武昌亦焚掠而去夏自成餘賊復陷漢川設僞知縣謝應龍去其時旣無統帥惟肆焚殺鄉郭之間死者蝟集民居蕩盡烽火連天漢陽民避賊於九真山白湖東至南河渡者十免八九其餘皆爲賊所據會

王師追迫稍稍棄去時英王駐師德安三月命楊士修爲漢川知縣五月總督佟養和鎮武昌安輯漢陽漢川民稍復業

陳志

三年丙戌周陂馮么賊千人連艘出松湖攻城幾破適佟部院養和師突至斬獲無算大潰而逃

陳志

五年戊子秋八月寇攻漢川知縣孫根深與民固守會王師北伐荆襄道過漢川奮擊破之死者數百人先是闖賊餘黨散處湖澤間不逞之徒附和而起據景陵之八百洲大爲患順治初已討平之而景陵及川中復有借起義號千人會者推諸生魯所瞻爲首眾至數千分攻

漢川縣志

卷十三

軍事

十三

漢沔皆爲官兵所敗三四載間始蕩平焉

陳志

七年庚寅招安湖賊馬元之楊索兒等八人劉家壩一帶以甯

林志稿

康熙二十七年戊辰夏逢農叛陷漢陽宜昌嚴總兵駐師臺閣下五月二十三日與賊戰於涓口賊敗走川民避兵洪湖得生全

曹安國地考

嘉慶三年春教匪叛分祁王氏一股由京山窺縣境沿途焚殺坳塚一帶民婦多避湖鄉匪爲官兵所截奔還

襄鄖

林志稿

咸豐三年九月髮賊陷黃州游艘闖入縣境至分水嘴

而返

四年正月髮賊由黃州水陸上犯陷府城繼陷縣城附近土匪黃跪狗等附之時江漢南北縱橫千數百里官兵潰散土匪蜂起江湖卅楫悉爲賊有肆焚擄劫掠居民強半逃避襄樊或避匿附近蘆葦中

六月盤踞京山天門之賊聞官兵將至悉眾竄擾縣西北鄉大肆焚掠鄉勇堵禦弗克晏明鑑等死之

八月松潘鎮總兵雙保領兵由潛沔追賊於邑西大沙嘴三日皆捷賊伏秫叢中四面襲之後援不至遂大潰八月楊制軍霈駐師德安髮賊連艘數百謀上犯行至

漢川縣志

卷十三

軍事

十四

道人橋制軍分兵拒之王馬垸士民結集水勇助勦焚斬殆盡二十二日縣城復冊 縣 檔

五年正月湖廣總督楊霈之師潰於黃梅粵逆悉眾上竄縣城再陷本 胡 林 翼

三月楊霈駐德安以賊北竄爲慮奏令林翼上扼漢川林翼上言荆襄據東南之形勝江漢爲荆襄之咽喉賊據漢陽北岸已形梗塞武昌復失南岸又被蔓延惟急攻武漢乃可內固荆襄胡 林 翼 本 傳

五月胡林翼上言攻漢陽必於潰口蔡甸屯重兵扼其犯襄河之路悉見嘉納胡 林 翼 本 傳

七月十二日常鹽道恩督率川勇分兵勦賊於分水嘴  
獲勝又分兵禦賊於劉家壩死者甚眾冊縣櫝

七月林翼別遣兵攻克蔡甸搜捕漢川餘匪殆盡胡林翼本

傳

十五日常鹽道恩督率川勇由分水嘴陸路直下王修  
誠馬德惠等結水勇由西北進勦縣城以復冊縣櫝

八月初一日常鹽道恩帶兵率王馬垵水勇勦賊於柘  
樹口敗績分兵禦賊於紗帽山賊由繫馬口襲其後遂

潰冊縣櫝

五年十月二十九日叅將顏朝斌被困於蔡甸署臬司

漢川縣志

卷十三

軍事

十五

李孟羣帶兵三千駐分水嘴使其裨將何越廷等百餘  
人敗賊於漢陽蕭家渡斬馘溺死無算漢川賴以安明  
日孟羣移師於河東索子垵自是賊不敢入境

六年官文恭文統兵屯結於澗口遏賊上竄王馬垵水  
勇悉聽調遣

考歷代舍生取義之士晉有朱伺宋則有黨仲昇其  
人明則有進士艾吾鼎舉人謝澗培知州李文奎諸  
生傅逢盛林樂育農人蔣正元汪應鰲諸人 國朝  
乾隆嘉慶間以官守殉義者則有方光祀方兆瑞蕭  
文燦三人其見於通志者則有徐起明劉國倫胡大

振陳光國張榮胡應國胡在國七人黃憲臺流寓於  
京山縣則嘉慶元年以殉難聞至咸豐二年則有熊  
丁耆李桂彬李芳榮李二耆四人殉難三年有候補  
守備方翔陣亡四年則有候補訓導周樂武童馬春  
陽鄉民馬華順龍傳友龍玉饒如意饒賢泰涂正祿  
涂德富饒順蕭中德蕭先元吳賢惠吳應高吳應友  
吳賢唐黃祥耆胡有元文金魁張亮成劉先美劉全  
祿劉全福劉宗順劉茂五胡漢宗劉臘耆成壽山艾  
麻子沈龔子葉周宏黃福陳天佑姚復初楊小耆呂  
方來王福興王顛茂羅元勳陳國賢楊貴祖羅雙兒  
李先德李青雲徐小耆徐先耆徐得順徐有元彭京  
士彭貴耆鄒小銀陳陶張培元彭升張方清姚福魏  
國春魏喻義晏明德涂相潘光喜林祥國宋棫芳宋  
松芳王貴耆王正才張金鳳周學彩葛道藩曾得喜  
曾正萬張昌文胡安靜胡惟金胡德坤劉光卓周學  
潤周元卿周小有王貞富汪鳳山劉光庭劉先施魯  
正周學文劉一元周元年傅先德楊春元楊貴兆劉  
德浩秦業濟夏心榮鄢正魁許朝愷顏恒奇錢大申  
林起三趙鳳璞黃宗榮王文鵬凡百有一人皆臨難  
以身殉者又有守備吳開泰把總鄭紹岐勇士馬全

立馬得勝吳士林周文學郭有年郭遠福楊安雲晏  
明鑑王生福蕭忠泰羅承彥向全雲何光禹郭長發  
王金輝豐名學王柱魁王更山豐可興王興雲豐世  
興王中和豐文彩王再貴豐世貴王金容豐名傳王  
林祥高西圃王盛魁高東昌劉吉祥王學道李國青  
李國順劉青峯劉昆才劉純可劉開先劉醉得劉崇  
喜劉百順劉存先劉倫啟劉運本劉遠安熊萬順羅  
輝山劉廷階劉廣昌劉正元劉爽西馬廷玉楊正爽  
楊秀海沈成茂謝文治鄧超順甘方生劉得保劉懷  
金熊萬興劉四耆劉正舉劉丁耆劉正常劉聚德羅  
正元吳德福張作富豐文先邵加昆劉德昌劉啟祥  
韓朝品龔來富僧傳燈能迪普渡鄉勇林祥進馬德  
勝廖得勝楊世琦梁大成張安邦陳士茂陳邦宏高  
應海曾紀原曾正茂尹維學王安慶葉德宗凡百有  
三人皆咸豐四年臨陣捐軀者又有任京山把總嚴  
作瑤監生羅國祥從九羅楨鄉民王紹緒胡國經張  
開源許萬祥許從梅汪培植曾丐張旺耆張文榜孫  
名揚許清和丁金貴吳松張文郁郝良才羅大有陳  
傳經葉長元魏長祥鄒宗立何純禮雷光祖王正坤  
王聯高李行雲余雙吉陳天喜陳傳喜傳小耆陳家

兒王義興陳永茂歐陽廣文朱玉祥胡宏成胡么葉  
長元丁德富吳士華賈崇仕余德昭熊大保郭雙杜  
天杭王大才魏長發王希貴鄧騰三張大麟袁克明  
鄧宏軒郭漢青毛錫祿趙正茂僧萬先凡五十七人  
皆咸豐五年臨難以身殉者又有雲南知縣林茂榮  
外委韓大富武生向逢春守兵艾大元鄉勇葛鳳麟  
蕭宗福王榮貴馬兆元趙澤新傅金魁胡光鍔陳光  
運陳先登陳遠福陳八考周爲量程春煦周爲祥周  
爲升周儒相周敦厚曾俊儀張頂恩熊緒容涂經順  
張至善彭年保彭時來郭天福熊世元熊年貴陳相

德關大相郭寶廷劉杏泰王占魁郭恆玉劉想兒周  
陽春周文智周金國周文先皮正順楊應福徐林吉  
曹兆恆謝定國余維礼蕭志興栢長勝向長春黃金  
貴蕭功成方栢勝歐陽三考熊盛士徐明德徐三元  
徐明發徐明爽劉玉福劉大貴陳湘潭劉萬鍾蔡啟  
順王明啟胡老么張三才劉名海阮秉廉孫士爽鄒  
合李恆姚福澤凡七十人又皆咸豐五年臨陣捐  
軀者有何德先何堯臣六年陣亡八年則有總兵羅  
玉斌陣亡於六安州十年則有李應玉陣亡於太湖  
十一年則有張文明劉德林二人陣亡於安陸縣同

治二年則有把總余加壽張家銀二人陣亡於安徽英山縣四年則有黃世榜王得勝二人以陣亡聞六年則有守備王金川都司余占魁二人陣亡于安陸府又有儒童林仙瑜鄉民李德賢周學全郭寶亨高殿章郭長發宋光庭蕭登榜李大順周于柏周鳳亭劉飄揚陳國金馬貴林高貴忠張大林梁德振周安吉張應達涂大堯余德昭余楚材歐陽祖德何福丁選廷胡羣芳胡羣東但么但得貴汪三勇丁王文秀王開泰凡三十二人又於同治年間臨難先後以身殉者同治十一年叅將鄭元貴十三年遊擊林隆泰陣亡於甘肅今仿唐書例臚其姓氏吁兵禍之作臨難不辱泯泯無傳者可勝道哉可勝道哉